

## **Bašo SBU - Statens beredning för medicinsk och social utvärdering (*Phuvjakiri komisija bašo medicikano hem socialikano procenibe*)**

### **O SBU uproccinela e nasvalipa arakhibaskoro hem e socialno servizeskiri buti**

O SBU i jek vlasti kaske i dindi i buti te kerel nezavisna proceniba bašo o metodia ko sastipaskoro-hem nasvalipaskoro arakhibe, ko odova khuvela hem e dandengoro arakhibe. O SBU isi ole dindo buti hem te kontrolirinel e džanibaskiri situacija bašo o buča ko socialno servizi hem bašo buča so kerena pe pomočea e zakonea bašo dumodejbe hem servisi (LSS -Lag om stöd och service).

O SBU maškar o javera buča dikhela:

- Kobor i šukar jek sastljaribaskoro tretmani ja pale buti?
- Sar proceninela pe odova so trebela ko najšukar čhani?
- Sar ka koristinen pe o resursija kaj te šaj te ovel so pošukar korist?

### **O SBU dela džaniba bašo pošukar arakhibe hem dikhibe**

O društvo (sarinipe) dela dumodejbe ko razna čhanija – odova šaj te ovel, nasvalipaskoro arakhibe, phurengoro dikhibe, e manušenge so isi funkciniribaskoro činavibe ja pale specijalno potreba keda koristinena droge. Jek čhavo so isi ole phari situacija ja pale isi ole pharipa ki škola, oleske da trebela te keren pe buča taro društvoskiri strana e nasvalipaskere arakhibaja ja pale e socialno servisea. Ama sar šaj manuš te džanel savo tipi tretmani, dikhibe ja pale savi buti šaj te ovel najsigurno hem najefektivno? Odova proceninela o SBU.